



Inatsisartunut ilaasortaq
Aleqa Hammond

Avannaani qaleralinniarneq pillugu apeqquteqaammut nr. 105-imut akissuteqaat

Inatsisartut suleriaasianni § 36 imm. 1 naapertorlugu, avannaani qaleralinniat ullumikkut atugaat pillugit apeqquteqaateqarputit.

Apeqqut:

Aalisarnermut Naalakkersuisup ullumi oqaluttarfimmiit avannaani qaleralinniartut ajornartorsiornerat pillugu oqaatigivaa ajorluinnartumik pisoqanngitsaq maannalu paaserusuppara suna tunngavilersuutiginiarneraa taamatut oqarnermigut aammalu avannaani aaqqiissuteqarniarluni angalareernerup kingorna qaleralittassiissuteqar-nissamut aaqqiissutissaq suna siunnerfiginerpaa?

Apeqquteqaat uannut akisassanngortissimavoq.

Qaleralinniat atugarisaat ikiorsiiviginiarlugit, pisassiissutit 6.000 tonsit aamma 5.000 tonsiusut Upernavimmi Uummannamilu maannakkut tamakkerneqareermata, Qaasuitsup Kommuniani piviusorsiorstumik iliuseqartoqassasoq aalajangiiffiqineqarpoq.

Upernavimmi Uummannamilu aalisartut anginerusunik aalisariutillit Ilulissat eqqaannut kujavarnissaannik kaammattorpakka, tamaani qaleralittassat sulit tamakkerneqanngimmata.

Aammattaaq assagiarsunniarnermut atatillugu aalisartut anginerusunik aalisariutillit, taamatut aalisarnissamut atortoqartut, maannakkut karsit aalisarfiusut avataanniittut, periarfissaq manna atorlugu aalisarnermut tassunga ikaarsaarnissaat kaammattuutugalugu.

Aamma sapinngisamik aalisakkanik tunisassianik eqqaanerup minnerpaaffissaniititsinissaq inuussutissarsiortunit Qaasuitsup Kommunioniillu isumaqataaffiqineqarpoq.

Aammattaaq Kalaallit Nunaata Kitaani tikaagullitassanik 26-inik qamutilimmik pisisarsassat aallaasersorluni piniarneqarnissaannut nuussinissaq aalajangiuppara,

16. oktober 2009
J.nr. 01.28.09

Dok.nr.

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

6-t Qaasuitsup Kommuniani pisarineqarmata, taamaasilluni kommunemi umiatsiaararsortut katillugit tikaagullit 47-t qoorortuumik pisarineqarput.

Inuussutissarsiortut Qaasuitsup Kommuniatalu ataatsimeeqatigineri taamaalilluni attaveqatigiilluarnissamut aqutissiuussivoq, inuussutissarsiorterup siunissaa qaamanerusunngortinniarlugu.

Aammattaaq " avannaani inuussutissarsiortut ataatsimeeqatigereerlugit qaleralit-tassiissutit ilaneqarsinnaanerinit tunngatillugu, aaqqiissuteqartoqarsinnaaneranut qanoq isummorsimanersaq paasisaqarusupputit."

Ingerlatsiveqarfiit Uummannaq Upernavillu tamarmik immikkut 500 tonsinik qaleralinnik pisasseqqinneqassasut Naalackersuisut aalajangiiffigaat. Pisassiissutinik qaffaaqqinneq immikkut akuerineqarpoq aammalu pisassiisutigineqartut ukioq naallugu aalisarneqarsinnaanissaat Naalackersuisut naatsorsuutigaat.

Ingerlatsiveqarfinnili taakkunani marlunni pisassiissutit akuersissutiginnissaannut piunasaqaateqarpoq, tassalu ingerlatsivinni taakkunani qassutaarsiutinik ningittagaarsiutinillu qalluisoqassasoq. Aalisartut tunisassiortullu salinermi ingerlatsisuussapput tamannalu Qaasuitsup Kommunian siuttoralugu tamatumunnga oqartussaasoq ingerlanneqassalluni.

Inuussutissarsiortut ataatsimeeqatiginerini malittarisassanik sukaterisoqarnissaa isumaqatigiissutigineqarpoq aamma TAC-mik ukiunut tulliuttunut sukaterinissaq. Naalackersuisunut tamanna pingaaruteqarpoq, tassami qaleralinniernerup imminut nammassinnaasumik ingerlanneqarnissaa Naalackersuisut pingartimmassuk.

Naalackersuisoqarfiga sinerissap qanittuani qaleralinniarnaq pillugu suleqatigiissitaliorpoq, siunissami aalisarnerup tamatumalimmassaavigineqarnissaanut siunnersuusiortussamik. Siunertaavoq suleqatigiissitap KANUKOKA-miik KNAPK-miillu ilaasortaataqarnissaa, suliap ingerlateqqinnissaanut killiliussassatut siunnersuutit suliarineqareerpata.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalackersuisoq